



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1176. Usque Ad Annum 1203

**Fleury, Claude**

**August. Vind. [u.a.], 1763**

**VD18 90118022**

§. 22. Poena Hæreticorum.

---

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

dis triremibus aptissima deferant. Aut Sæcul. XII.  
 qui in piraticis Infidelium navibus regi- A.C. 1179.  
 men & navarchi curam suscipere non  
 erubescunt. Præcipitur, ut ista excom-  
 municationis sententia crebro & solemni  
 ritu per Ecclesias urbium maritimarum  
 proferatur. Dynastæ & Consules civi-  
 tatum bona reorum Fisco addicant, &  
 ipsi Saracenorum adjutores si capiantur,  
 ejus a quo capti fuerint, mancipia sint.  
 Excommunicationis quoque poenæ sub-  
 duntur, qui Romanos aut alios Christia-  
 nos, mercatus aut alterius honesti nego-  
 tii causa navigantes, capiunt vel spo-  
 liant, vel alios naufragia passos, quibus  
 ut fratribus succurrere tenentur, rebus  
 suis exuunt. Judæis aut Saracenis ser-  
 vos Christianos domi habere quocunque  
 demum prætextu non liceat. Testimo- c. 26.  
 nium Christianorum contra Judæos, si-  
 cut Judæorum contra Christianos, reci-  
 piatur. Bona Judæorum conversorum  
 ferventur, nec liceat Optimatibus aut  
 Magistratibus eos vel re minima spolia-  
 re. Qui aliquid eis ademerint excom-  
 municationi subjaceant.

## §. XXII.

*Pœnæ Hæreticorum.*

Ultimus Concilii Canon scriptus est in c. 27.  
 hunc modum: *Quamquam Ecclesia- Leo ep. 15.*  
*sica Disciplina, sicut ait Beatus Leo, al. 93. ad*  
*cruen- Turib.*

Sæcul. XII. *cruentitas rejiciat ultiones, Catholicorum*  
 A. C. 1179. *tamen Principum Legibus adjuvatur, &*  
 Sup. Lib. *sæpe quærent homines salutare remedium,*  
 XXVII. *cum metuunt corporis supplicium. Quia*  
 §. 10. *igitur Hæretici, qui dicuntur Catharri,*  
*Pataveni seu Publicani in Vasconia, in*  
*Territorio Albigenfi, in partibus Tolo-*  
*sanis aliisque locis, usque adeo invalue-*  
*runt, ut jam non in occulto nequitiam*  
*suam exerant, sed errores publice mani-*  
*festent, eos, & eorum fautores, defen-*  
*sores ac receptores, anathemati subja-*  
*ce decernimus. Si in hoc peccato decesserint,*  
*nulla Oblatio pro eis fiat, & inter*  
*alios Christianos in loco benedicto non se-*  
*peliantur.*

*De Brabantionibus, Arragonibus,*  
*Navarris, Bascolis, Coterellis & Tri-*  
*verdinis, qui inaudita immanitate nec*  
*Ecclesiis, nec Monasteriis, nec viduis, nec*  
*pupillis, nulli ætati, nec sexui parcunt,*  
*sed more Paganorum omnia perdunt, &*  
*vastant, similiter constituimus, ut qui*  
*eos conduxerint, retinuerint, vel fove-*  
*rint, in Dominicis & aliis Festis publi-*  
*ce excommunicati denuncientur, nec po-*  
*stea ad Communionem Ecclesiæ, nisi so-*  
*cietate illa pestifera & Hæresi abjuratis,*  
*recipiantur. Noverint autem, quicumque*  
*aliquo pacto illis fuerint annexi, se ab*  
*omni fide, etiam juramento promissa, so-*  
*lutos esse ac liberos. Contra, ipsis, omni-*  
*busque*

*busque Fidelibus in remissionem peccatorum injungimus, ut tantis cladibus se virili constantia opponant & adversus perversos armis populum Christianum tueantur. Perditorum istorum hominum bona addicentur ærario Principum, quibus liceat eos in servitutem redigere. Qui autem in sacra hac militia penitentes vitam posuerint, non dubitent, se peccatorum suorum indulgentiam & fructum mercedis æternæ percepturos. Nosque illis piis Fidelibus, qui contra immanes Hæreticos arma ceperint, biennium de penitentia injuncta relaxamus, & Episcoporum prudentiæ committimus, ut secundum modum laboris, major eis indulgentia tribuatur. Interim vero sacros hos milites, sicut eos qui sepulchrum Dominicum visunt, sub Ecclesiæ defensione esse volumus. At illos, qui ab Episcopis admoniti, arma sumere recusaverint, a perceptione corporis & sanguinis Domini jubemus esse alienos. Coterelli illi seu vulgo Routiers, ut a quibusdam vocabantur, erant copiæ ex variis gentibus collectæ, nulla disciplina militari & nulla Religione adstrictæ, quarum opera Optimates ad bella privata seu verius ad latrocinia utebantur. In hoc Canone concordiam utriusque potestatis Ecclesiasticæ & Sæcularis, innixam S. Leonis auctoritate, quæ in exordio commemoratur,*

Sæcul. XII.

A.C. 1179.

Sæcul. XII.  
A.C. 1179.

ratur, dispicimus. Scilicet Ecclesia proprio jure sententiam excommunicationis profert, vetat pro reis Sacrificia offerri, & ritu Christiano sepeliri, sed adhibet auxilium Legum & auctoritatem Principum, cum circa juramentum Fidelitatis dispensat, cum jubet contra reos arma capi, res eorum ærario Principis addici, & servituti subjici. Rursum utitur jure suo, cum labores militantium pro remissione peccatorum acceptat, ac duorum annorum Indulgentiam annectit.

Ista non in hoc solum Canone, sed etiam in aliis similibus necessario discernenda sunt.

§. XXIII.

*Error Petri Lombardi.*

*Qualt. de  
S. Vitt. MS.  
du Boullai  
Hist. univ.  
to. 2. p. 431.*

In Concilio Lateranensi Alexander Papa hanc Propositionem Petri Lombardi Episcopi Parisiensis: *Jesus Christus, ut homo, non est aliquid*, damnare animo constituerat; sed aliqui ex Cardinalibus responderunt: *Domine, alia & majora restant nobis pertractanda. Quin imo, reposuit Papa, primum & gravissimum negotium pertractandum, causa Fidei est & Hæreticorum.* Mox Cardinales illi ex Consistorio exeunt, quos, Episcopus quidam ex Cambria Ad-

Ad-